

الأدبائى

لحنها وغناها الشيخ إمام

أنا الأديب وانتم أدرى
وعاشق الناس والخُضره
لا عمرى طَبَّلت ف حَضره
ولا قلت حاضر للنصاب

الله الله يا بلدى ولا كنا صحاب

خاين ولا حد يجيره
زى الكلاب يلقى مصيره
قتيل وفايت لنا غيره
ماشيين وفي نفس السرداب

الله الله يا بلدى مخبر ع الباب

سلام مربع للجراين
فارشين صور تحت العناوين
سينا اللي راجعه عريسه عنين
وأغلب المعازيم عُذاب

الله الله يا بلدى والكل كلاب

آدى السلام وکلا بلاشى
سینا اللى مدفع ما فیهاشى
بالأمر جيش ما یروحهاشى
حطولها قفل ورزه وباب

الله الله یا بلدى والأرض حرب

مشوا الجیوش مشیه وزه
ترقص وعقبال یوم غزه
نشر وحبیبوا المزه
من أورشلیم فزدق وکباب

الله الله یا بلدى والعیشه هباب

يحيى السلام بطَّل كلاكيع
ممنوع كلام ضد التطبيع
علشان ما يلحق نفسه يبيع
أحلامنا يا حلاوة الأحزاب

الله الله يا بلدى شوفوا الكداب

أصل الحكايه ان بهيئه
مدبوحه وبتدفع ديئه
يا مصر حتعيشى مطيئه
إذ يحكمك دبوره وكاب

الله الله يا بلدى سنوا الأنياب